

北洋官報

目錄

宮門抄

奏議◎憲政編查館奏擬定民政財政統計表式酌舉例
 要摺△理藩部奏道讓洮南驛站摺△東督孫奏推廣
 文報片△下撫吳奏擬改縣名摺
 公摺◎通永道詳一件△廣昌縣稟一件△武強縣稟一
 件△河南兵備處詳一件
 文告五則△電報八則△新聞十四則
 彙編◎農務總局試驗場成績表
 戊申官報目錄
 圖畫○山東孔陵第二圖

本日增刊戊申官報目錄一頁

本局第九十二期政法學報已出

本報今日加印照片一頁

宮門抄

二月二十五日 禮部 學部 正紅旗值日 雲貴總督李經羲到京請 安 陝西總兵張定邦到京請
 安 葛寶華續假十日 順天府奏京師得雪二寸有餘 內閣奏派驗放大臣 派出桂公 張德
 彝 李聯芳 姚錫光 召見軍機 李經羲 張定邦

奏議錄要

憲政編查館奏擬定民政財政統計表式酌舉例要摺

奏為遵辦統計政要事宜擬從民政財政入手編訂表式酌舉例要請 旨頒行恭摺仰祈 聖鑒事竊維統
 計之法由來最古周官歲計曰會月計曰要日計曰成司會考歲成以知四國之治司徒頒比法以受三年之要其

餘各官言會政致事者甚多而王制亦言大司徒大司馬大司空以百官之成質於天子雖其成式不傳而鄭重統計之意要可概見漢令郡國上計唐令州縣報最至今每屆歲終內外衙門猶有彙奏戶口城隍錢糧倉穀之事此皆關係民政財政大端古今典章未嘗不合特以日久相沿簿書期會習爲故常祇視爲報政之虛文遂失其立法之本意臣館遵

彙齊辦理欽奉

旨設立統計局奏定辦事章程並由各部院分設統計處各省分設調查局搜輯各種事項

上諭統計一項照該館所定表式詳細臚列按期咨報以備刊行統計年鑑之用等因仰見朝廷綜核庶政實事求是之至意現各部院所設統計處暨各省所設調查局業經先後奏明成立並據民政部等衙門咨送表冊到館臣等督同館員詳加覆核雖法理尙待精研而事實足資參考義例宜加審別而搜輯已得端倪伏查東西各國所以刊行統計之意非徒磨勘賬籍繪演算式而已將以研究國家之勢力人民之情狀察其消長進退之原以爲比較設施之準也惟其關係重要故列爲科學一門中國疆域廣袤民物殷閩政治寬大而相習爲闕疏交通艱阻而遂成爲隔閡州縣之事督撫不盡知督撫之事部院不盡曉創辦統計之初勢難一一賅悉而委曲繁重尤莫甚於民政財政兩門民政以清查戶口爲最難財政以清理款目爲最要方今積習相仍編審既虞紛擾報銷盡屬通融檢門牌則戶戶有脫漏之人查庫簿則處處有參差之數一端已不可究詰况關乎全體之繁是以逐年籌備事宜首以此爲憲政之初基開宗之先務今則清查戶口章程清理財政章程民政部支部均已奏定通行既有審端致力之方自有循序進行之效所有統計事項自宜一併從此入手以期相輔相成臣等謹督館員參考中西斟酌義類擬訂統計總例十有四條又爲民政統計部表七十有六省表七十有二財政統計部表九十省表八十有八並將所以立表之意填表之法各於表後繫以解說又以財政頭緒糾紛紛爲舉要十有二條疏通證明以見新理之發明皆出舊章之蘊蓄中外古今同條共貫惟是格式雖貴周詳而事實每多遷變往往例由事起而事與時移此次所擬表式不過取法乎椎輪並非遽懸爲準的將來內外報告之後尙須刪繁提要逐一改修各該主管衙門職任既專推尋必細如有節目應加增補之處不妨變通填報但期經緯之分明自見循途而合轍日本刊行統計年鑑至今二十餘次宏綱細目屢有更移可爲前證謹將例要解說繕具清單連同表式恭呈

御覽伏候

欽定頒行所有表中應開事項概以光緒三十三年爲始事必徵前而體必務實藉資比

較而免推延擬請

飭下內外各衙門自此次奉

旨文到日起統限半年內務各查照表式例要逐一確實

迅速填報咨覆臣館以備查核不得粉飾稽延以重要政而嚴定限其餘各種表式即由臣館趕緊接續編訂奏請頒行所有擬定民政財政統計表式酌舉例要緣由謹恭摺具陳伏乞

皇上聖鑒訓示謹 奏宣統元年二月二十日奉 旨已錄

理藩部奏遵議東督奏籌設洮南驛站請開關達爾汗旗道路摺

奏爲遵

旨議覆事光緒三十四年十二月二十一日東三省總督徐世昌奏籌設洮南驛站擬請開關達爾汗

王旗道路以利交通一摺奉

旨理藩部議奏欽此欽遵由內閣鈔出到部查原奏內稱洮南一府爲哲里木之

奧區亦三省之衝要乃自該府至遼源州中間二百餘里均係達爾汗旗管界荒漠無垠村落絕少裹糧乏術行旅維艱加以蒙丁蒙會以主陵客商貨往來轉資盜賊派兵巡緝又苦駐紮寥落勞逸殊文報之稽延饋餉之周折

種種困難幾同絕域前任將軍趙爾巽屢議

奏請開放因該旗吳玉祥一案多年纏訟未結因循不果今該案已由臣會同理藩部議結奉

旨允准蒙民遵守均無異言自可繼續開辦現在推廣三省要路電綫由新民起經

法庫遼源洮南以達齊齊哈爾大都徑行蒙地其設在洮遼一段者業已次第敷設而站路不修巡護不密終虞梗

塞臣再四思維非亟籌開放不能化除畛域即不能便利交通查遼源州以北經臥虎屯至邊服止凡爲達爾汗旗

管界共計二百數十里應請一律開闢疏通官道置設驛站支配弁兵假以警務治理之權俾得實力巡護其沿路

兩旁各劃十里從事墾放以資生聚等語臣等查光緒三十二年前任將軍趙爾巽擬請將該王旗界一律開放

咨由臣部轉催並向該王開導期底於成曾於上年班該王到京時當經臣部劄傳該王面商並再三開導而

該王總以有礙生計爲詞復經臣部飭令確實詳報嗣據該王呈覆仍以開荒設站於闔旗生計有關並稱自遼源

以北至邊服止若將二百餘里派放道路本扎薩克王旗屬下人在是道者分爲東西兩段又於閒散王貝勒貝子

公台吉等屬下看守公主格格墳墓人等游牧之所均有關繫祈由臣部轉咨等因在案本年該王正值 年班在

京臣部又復劄詢該王令其切實聲覆有無窒礙旋據該王呈覆大概與前呈無異伏思該王兩次覆文均以有關

生計爲詞而該省將軍總督等均以開路設站爲請二者均關緊要臣等當即詳查該王旗地圖並證以前任將軍

趙爾巽咨稱各節蓋因奉天遼源州正北至開通縣界又東北至吉林之農安縣界二三百里不等均爲遼爾汗旗荒地橫亘其間形如甌脫內與采哈新甸之哈拉巴山一帶毗連無站無兵盜賊出沒行旅苦之自非開闢官道不足以聯形勢而便交通此該省將軍總督所以前後議請開路設站之由來也惟是蒙旗放步自封生計又拙而一言開墾則百計阻撓總以有礙游牧爲詞若非勢窮計迫負債纍纍從不肯輕言開放者查前經臣部會同東三省總督議結該旗地債一案係以采哈新甸一項之地償還民債奏准開放故至今尙無異詞今該督所奏各節係在該旗復行推廣地方從事墾放如開路設站置兵巡護自係保蒙地之治安通三省之軍報爲重要正與前任將軍咨請開通之意相同均於軍事文報大有關繫惟該王兩次均以有礙生計爲詞究竟該督所請開闢道路設站置兵凡所經過之地有無妨礙游牧及該王旗廟宇墳墓所在之處臣等雖詳查地圖詢問該王一時亦未能逐一指明礙難懸斷至沿路兩旁又復各劃十里從事墾放亦宜查明界內有無蒙民已墾之地將來墾熟之地是否照章收租並酌提一半津貼該王旗之處擬請 旨飭下東三省總督行知該王旗會同派員先將所擬開闢之路詳細履勘妥籌辦法並按照該王所報各情切實查明究與蒙旗生計等項有無窒碍繪圖貼說再行 奏明請 旨辦理庶不致因推廣治理之權而或失體恤蒙情之意所有臣等遵 旨議覆遼爾汗旗開闢道路各緣由謹恭摺具陳伏乞

皇上聖鑒訓示遵行謹

奏宣統元年正月二十八日奉

旨依議欽此

升任東三省總督徐世昌奏推廣文報事宜片

再奉省未設文報局以前東邊所屬之安東寬甸通化懷仁各縣及海龍府均經奏設馬撥所需工食草料暨勻給買補倒馬等欸向於地糧項下開支迨輯安臨江兩縣設治復按照添設步撥各十處所需工食由稅捐項下開支該府縣雖經設有馬步各撥而道遠撥稀遞送文牘仍多遲誤自前將軍趙爾巽於奉天省城設立文報總局遴派候選道董遇春總司其事臣到任後又復裁撤驛站推廣文報以利交通均經先後奏陳在案現在邊內各屬以及吉江兩省均已遍設文報分局接遞公文剋期可至成效昭然則東邊所屬各縣自應於宣統元年正月起概歸文報局設撥接辦以期一律而速郵傳其舊設馬步各撥均於光緒三十四年十二月底裁撤原支馬步撥各欸均撥

歸文報局常年經費項下列銷以昭核實除分別飭遵並咨部立案外理合附片具奏伏乞
元年二月二十日奉 硃批該部知道欽此

聖鑒謹 奏宣統

河南巡撫吳重憲奏擬改縣名摺

奏爲擬改縣名恭摺仰祈 聖鑒事竊據蘭儀縣知縣沈福源稟該縣原名蘭陽嗣因儀封縣歸併始改今名現
以下一字應避 御名並無可以恭代之字若僅缺末筆而字音無異不足以昭誠敬擬將該縣改爲蘭封縣並
將儀封鄉學改爲蘭封鄉學以歸一律由布政使朱壽鏞詳請具 奏前來臣覆核無異除咨部查照外理合恭摺
具陳伏乞

皇上聖鑒訓示如蒙 俞允所有該縣印信並教佐各員鈐記均應改換另鑄容飭造呈模冊分別咨部飭司更
換合併陳明謹 奏宣統元年二月二十一日奉 硃批著照所請該部知道欽此

公牘錄要

通永道銜道吉詳楊村廳等屬去歲防護伏秋兩汛尤爲出力各弁請外獎文並批

爲詳送事據楊村通判趙倬懌芳詳稱竊查三十四年伏秋兩汛河水盛漲所有分飭搶險各弁司事無分晝夜躬
冒危險竭力搶護能將險要各工搶護平穩不無微勞除將出力稍次者剔除存記俟續有勞績併案再請給獎外
所有尤爲出力之司事弁兵理合開具清摺恭求照請給獎以示鼓勵實爲德便等情據此正在核轉間又據通惠
河北岸上汛經制外委張文通稟以該汛伏秋兩汛陰雨連綿河水異常漲發溜勢洶湧督率河兵多雇人夫於泥
濼風雨之中不分晝夜往來奔馳不辭勞瘁多方設法培墊一律堅固該兵等均能冒險搶護更爲兵中所不易得
者今已三汛安瀾隄壩各工均皆穩固應將出力兵目援案請獎以昭激勸請轉詳前來職道查該廳等摺開請獎
各員當伏秋盛漲之時均能搶護平穩轉危爲安不無微勞足錄可否俯如所請照擬給獎之處擬合照繕清摺具
文詳請 憲台查核俯賜批示飭遵實爲公便爲此備由具呈伏乞 照詳施行須至冊者

督憲楊 批詳摺均悉上年北運河楊村廳屬搶險出力員弁應准酌給外獎以示鼓勵五品頂戴首先把總筐兒
港汛經制外委李振樞准俟補把總後裔記遇有千總缺出儘先拔補五品頂戴外委王國銑孫占鰲均准俟補

外委後存記以把總儘先拔補七品頂戴筐兒港汎目兵孫聯曾陳葆琛均准存記遇有經額缺出儘先拔補五品頂戴何廷瑞石懷玉韓國立均准存記以外委儘先拔補卽由道註冊飭知縣丞職銜于訓銘等十五員名均准給五品獎筭司事石成璽等二名均准給六品功牌司事董寶忠等二名均准給七品功牌茲將獎札功牌隨批印發卽即查收轉給祇領此繳

廣昌縣高令紹陳稟初選投票所開票所地址文並批

敬稟者竊查卑縣前蒙 憲檄籌辦選舉事宜遵經派員講習章程劃分選舉區域調查選舉資格彙造人名總冊依限送州核轉並已分期呈報在案所有投票所開票所例限二月呈報自應先期預備現經卑職督同初選監察員馬紳汝典會議勘定卑縣選舉區域共分東南西北中五區中區投票所卽借城內自治學社四鄉四區卽以各該區適中之公立學堂爲投票所其開票所卽在縣署大堂辦公以昭便捷各區應用投票匭亦已照式製成不致有誤除仍由卑職照章布置妥協依限舉辦并再選舉投票開票管理員監察員另文呈請本州核派外理合將勒明各區投票所開票所地址繕具清摺稟報 大帥查核備案

今將卑縣東南西北中五區初選投票所開票所地址勒明繕摺呈送 憲鑒 計開 中區投票所擬借自治學社 東區投票所擬借三甲村公立小學堂 南區投票所擬借走馬驛公立小學堂 西區投票所擬借并子會村公立小學堂 北區投票所擬借中莊公立小學堂 初選開票所本縣大堂

督憲楊 批稟摺均悉仰諮議局籌辦處查照飭知繳 武強縣韓令炳樞稟任內籌辦各項新政文並批

敬稟者竊立學堂以育才爲新政之起點設巡警以安內爲自治之先聲卑職荷蒙 憲恩委署斯缺初膺民社時懷冰淵於光緒三十三年冬月到任後奉札飭辦各項新政以卑縣瘠苦之區要政同時并舉財力實有不逮所恃常年經費以畝捐爲大宗因卑前縣周令交卸時曾經稟請將三十三年畝捐減去一半卑縣民風素稱刁悍而北鄉之沙窪等二十八村爲尤甚卑職帶收三十四年上忙畝捐時居民多援以爲口實紛紛呈請意欲藉此阻撓卑職民社初膺又恐操切辦理激成事端貽 憲台憂遂卽親詣四鄉剴切開導并邀集城鄉紳富令先完納以爲之

倡於是鄉民陸續輸將卑職統盤籌畫將款項預算決算統計三十四年節省京錢三千吊發交當商生息按月九釐以爲備荒經費之需應請札飭後任梁令如非荒年不得擅動以重公款改訂章程以杜中飽并將巡警認真改良在南關三皇廟略加修葺開辦巡警傳習所一處招募甲乙兩班學生入所教練舊有巡警汰弱留強亦令一併入所教練以歸一律畢業後稟請 憲台札飭警務處派員考驗發給文憑分區站崗巡邏又添設預備巡警二百名分發四鄉各在案卑縣城內舊有小學堂一處規模初具四鄉原設初等小學堂二十處卑職抵任後親赴四鄉調查均係有名無實一如私塾無殊推原其故皆因師資不備智識不開所致遂即邀商勸學總董在縣城迤南城內舊有不入祀典之古廟一處略加修葺改爲師範傳習所考選明達生童四十人入所傳習稟蒙 憲台札飭提學司委派教員張宗哲來縣教授一面傳集四鄉村董諭以學堂爲造就人材當今急務限令按村設立并將私塾一律改良現據該村董事開具學生名單陸續稟報計四鄉已添設初等小學堂四十二處連舊有之二十處共計六十二處擬於本年正月十五日以後同時開辦由卑職諭派師範生前往教授以期教育普及日進文明漸歸一律鴉片流入中國遍地皆是幾至不堪收拾因獲利倍雇愚民惑利種植以致害同剝膚卑縣地盡鹽嫌不宜罌粟故尙無種植曾經卑職於奉文後示禁在案去年夏間奉禁煙局頒發憑照牌照章程告示實行禁煙卑縣本無土局概係各舖帶賣除報閉外已開者均令領照繳費惟吸戶牌照頗難稽查若索癮窮究則擾累堪虞因傳集村董地方責令就地確查認真查報以免隱匿影射緣吸煙之戶類多業賈有瞞舖主掌櫃而吸者有不令友朋知悉而吸者間有居民瞞父母而吸者種種爲難情形碍難悉數於是報名領照時不免瞞住真名任意捏報而給照者豈能盡人而識現在卑職於本城署前設立戒煙社一所勸令吸戶入所戒煙配合林文忠公補正忌酸等丸輪班施戒如不願入所者亦准取保領丸以期普及並准醫士往診以示體恤復於城內添戒煙分社一處分班施戒一切章程辦法經卑職通稟立案除戒出所者已一百十三名居民遂無疑惑而入所求戒者日益衆多仍令照章辦理依限戒除以祛惡習而挽頹風去歲春間奉 憲台札飭辦理統計事宜並令卑縣設統計處一所以便隨時調查要政等因緣卑縣地瘠民貧籌款非易且各項捐輸早已搜括靡遺屢經邀商紳董胥因款難中止卑職因思統計爲目前要政未便一再因循致滋貽誤就在卑縣署內西偏開房四間略爲修改作爲卑縣統計處選請通達士紳

冀僚認真調查分別按期填表申送會將開辦情形通稟立案去秋蒙 憲台札辦選舉調查事宜並奉諮議局籌辦處派員宣講卑職選派文生賀湘六人赴州聽司選員齊燾宣講回縣即派充調查局分赴四鄉實行調查一切遵章辦理調查後造冊呈送本州彙轉並將按期遵辦情形稟報 憲鑒在案去冬據自治生賀汝嚴等擬呈簡章稟請試辦自治學社遵照頒發章程以不侵越司法行政權限業經卑職核明轉詳在案在卑縣城內西南城角古廟內作爲卑縣自治學社由巡警款內遞半撥給京錢一千二百吊以爲經費俟奉批准後即行照章開辦以上各要政晉係卑職到任後次第施行陸續開辦均經通稟有案現在卑職交卸在邇除將各案卷宗分別移交梁令廷相接收辦理外理合稟請 大帥查核

督憲楊 批據稟已悉仰藩學臬三司查照飭知仍飭接任之員認真辦理此繳

河南陸軍兵備處會詳撫院另擬會議及通知簿章程文

爲會同詳請示遵事竊查本年七月間職處詳呈委員藍心笏谷之壇會稟隨觀北洋第四鎮校閱條陳請復公所會議曾經聲明另訂會議簡明章程在案本司職道覆查督練公所之設原期權集中央兵備參謀教練三處事尤繁瑣雖稟承督辦不難挈領提綱而分立三權何異形隔勢禁自應實行會議以收集思廣益之效凡督練公所總參議參議總辦以及二十九協統領統帶管帶等官均應分別定期集議當經督飭文案委員另擬會議章程本司職道覆加核閱尙屬簡而易行可以共相遵守惟是三處共操兵柄不互相知照提議何從兩司同列軍諮不預告因由與聞何自覆經飭議通知簿章以祛隔閡而便磋商本司職道往返會晤意見相同所有另擬會議簡章及增訂通知簿章程緣由理合開具清摺會同詳請憲台鑒核批示祇遵如蒙照准本司職道即當和衷共濟勉力奉行以仰副憲台整飭戎行實事求是之至意爲此備由會呈伏乞照詳施行

文告錄要

督憲批示錄要○練餉局詳覆核議大清等河長差委員加給薪水銀兩請示遵由 批如詳辦理仰移清河道查

照此繳○完縣韓令樹梅稟初級師範生畢業日期由 批據稟已悉仰提學司查照飭知繳○又詳民人李永秀捐助學款請獎由 批據詳已悉該縣民人李永秀捐助學堂經費京錢五百吊應准給予六品功牌一張隨

批填發仰即查收給領以昭激勸並錄報司道府查照繳○又稟卑縣巡警傳習所續招三班學生開辦日期請查核由 批據稟已悉仰警務處查照飭知此繳○商人湧太恒薛萬傑等稟李元善帆船被愛仁輪船碰毀船貨由 批此案前據稟經津海關道派員集訊候再飭行查核辦理此批

直隸法政學堂榜示○爲榜示事照得本堂於十五日考試各生試卷業經評定甲乙合行榜示爲此示仰取錄諸生務於本月二十三日起二十八日止取具保狀親帶來堂交納學費保證金並填寫志願書履歷書靜候示期開課須至榜者 計開取錄一百零六名 姜遇昌 陳蔭璠 姚廷琛 陳式度 張文藻 王麒彝 郭仰青 駱續郊 王璟 劉錫昌 耿晏卿 馬振乾 夏璣 邢國榛 陳廷贊 崔星奎 羅選青 韓起然

牛拱辰 雷庚 王西園 張家寶 張丹楹 邢國標 王維城 焦心鐸 張若齡 陳白辛 郭鎮江 趙志華 婁藩辰 張瑜 趙雲慶 姜兆鳳 吳居仁 趙炳綸 何鏡蓉 石道伊 李蓬海 高毓玠 崔綺春 范驊 張丕城 何延功 陳日明 姚廷珏 趙珍 李培昌 盧士傑 張振亞 潘志清

婁朝辰 楊濂 韓立綸 姜書紳 文欽詳 劉琛 李逢春 陳鈞 邢錦齋 耿振鵬 姜鳳閣 劉作楫 王繼賢 王炳南 王秉周 郭式楨 高國棟 張貞 劉維瑩 梁治國 方樹林 喬建章 焦心銘 張仲敏 史欽 張慎言 劉培桐 陳蔭昆 王宗祺 曾慶三 宋景祿 門樹楠 齊雅堂 張永

陳乃綽 高竹林 李純徵 何少聯 高毓珽 陳敬宗 王殿甲 楊維楨 田士光 張子光 劉清臣 崔文奎 田治齊 王藻 丁東第 文鐸 謝騫 任鴻勳 楊濂生 祝德潤 魏璜 覆試錄取五名 董其桐 王括洲 王祖蔭 陳耀棠 石韞輝 補考錄取一名 趙光第

直隸法政學堂牌示○監生劉福鏞因途遠誤考懇求補試由 批稟悉該生因途遠誤考懇求補試一節應即照准仰該生於二十二日早十鐘來堂聽候面試可也此批

天津勸學所公啟○敬啟者敝所自去春開辦分科研究會學務進步頗賴諸君輔助茲已一年期滿代表諸君亟須改選以均勞逸擬於本月三十日研究事竣改選代表凡曾充代表者亦可被舉聯任以後并定爲每年第一次研究日爲改選之期特此達知屆日務祈諸君早到爲幸再各堂教員均係擔任某科務請三四日將教員姓

名及科目開示以便選舉時分科備考此請 公安

附錄天津官事○督憲札委宋觀察育仁造幣津廠參議差候選道何觀察炳庠會辦習藝所差山東候補道楊觀察嘉辰會辦南段巡警總局差廣西候補道段觀察藩大學堂稽查差山東候補府段太守星垣會辦北段巡警總局差

電報錄要

路透電○美政府因美洲中央薩洛瓦都國與尼喀拉瓜國宣布戰事擬與墨西哥國聯約干預中美戰事聞薩尼國兩仍預備戰事并憾美國干預現在墨西哥政府聲稱已經出而干預并擬與美國會議辦法美國現已調派兵艦開往哈瓦納(古巴)

又電○美國總統因美國財政充足擬將紙煙煙葉白糖出口稅豁免現議院已經議准

柏林電○瑞典國大探險家希丹氏現在德京演說探險之事實德皇偕其後親臨并贈以金牌以獎其功

又電○德皇遊歷之期尚未決定大約須在耶穌復生節後

又電○俄政府現議定擬將波羅的海與黑海海路交通

又電○法內閣議撥五十三兆佛郎以充修築雲南邊界鐵路之經費

新政紀聞

政治

續辦短期憲政講習所○奉天教育總會所辦憲政講習所學員畢業後已由民政司派往各屬隨同自治研究所

學員辦理選舉事宜現在該會又接辦短期憲政講習所以資開通國民之知識已呈由提學司照准備案云

申報變通宣講辦法○江南地方自治總局具詳江督云竊照職局附設自治宣講所上年於江甯省城設立八處

宣講自治淺義以期開通知識業將辦理情形申文具報在案惟城外鄉鎮地方以經費支絀尚未推廣設立現

查城鎮鄉自治章程大部業已頒發期限有定不容遲延誠恐鄉愚無知輾轉誤會逾越範圍未收輔助行政之

功先受紊亂秩序之害欲防其弊惟有迅將自治大義廣為宣講俾人人知權利義務之所在庶足為實行自治

之先聲茲擬變通辦理將城內舊設八處併爲四處酌留宣講員二人分往宣講其餘六人即令分赴城外四鄉輪流宣講周而復始該員本已支有薪水祇須酌給川資火食所費無多而於自治前途洵屬大有裨益除分飭遵照外理合將變通宣講辦法及規則繕摺具文申報云

札飭切實考察屬員○皖撫爲札飭事照得道府各官均有考察屬員之責照章應按春秋二季填註考語開摺密呈本部院到任數月開摺稟送者甚少今特札催札到立即遵照迅將所屬各員平日才具操守及各項政治是否舉辦並聲名若何切實填考開摺密呈務須據所見所聞逐細開列不得仍用泛常套語敷衍塞責至吏職本難人材匪易衡才有長短互見之處辦事有得失參半之時本部院決不求全責備苛以相繩該道府亦無庸鯁鯁過慮豫爲掩飾也倘經此次諄囑以後乃復以八字套語籠統填註人人得爲循良則是該道府等欲見好於屬員於吏治尙堪問耶再業經卸任各員如政績實有可觀及劣迹昭著近在兩年以內者該道府如確有所聞應另摺密呈以備參考云

學務

函商游藝園地址○天津學界同人陳恩榮等致議事會公函云敬啟者城西南隅偏東有官坑一段約十二畝上下近日勸學所由存款項下向利學公司贖回共費洋七千餘元查內有灰房五所其價值足以相當是此外空地皆在羨餘之數并未實費資財又有勸學所原留之學地五畝并有可換之地四五畝亦應預爲通知換回以資應用統共該空地三段約計二十二畝之譜現在學界同人擬就該處創設游藝園曾經兩次開會贊成者居多數恩榮等以地屬公產應請貴會開議想事關公益貴會必樂贊成也

釐定學堂各項表冊辦法○奉天提學司以各屬造送各項表冊往往逾延多日始行呈司任催罔應幾成積習現爲定一辦法凡各堂教員開學前三日將課程預算表造送勸學所散學後三日將教授比較報告學生考試成績學堂一覽等表造送勸學所由該所覆核後彙呈提學司其屆學年者並應將學生週年沿革表一併造送云
教育會第四期選舉○蘇省長元吳教育會正副會長於初八日舉行第四期選舉各會員齊集後先由蔣會長宣言略謂承乏一年毫無成績實深愧慙次由幹事員報告去年收支款項嗣遂投票正會長票數最多者爲蔣君炳章副會長票數最多者吳君本善復舉定職員祝秉綱吳本齊陸基等四十七人緩日再開職員會商議一切

軍政

調辦陸軍學堂總理○蘇省陸軍速成學堂去年係候補道劉贊臣觀察兼辦而觀察自奉派署陸軍混成協統領

後督同四十五六兩標統領訓練新軍事正繁瑣學堂差事殊難兼顧故已一再上稟呈請另派賢員以專責成刻由陳伯帥准如所請另調現充巡防營務處會辦陳亦漁觀察兆璜往承其乏已下札飭知矣

飭核工程輜重營工程○蘇省混成協陸軍擬本年增設工程輜重兩隊應用營房擇閩門外勘地建造前經督練公所派員估看工料約須銀八千餘兩現奉袁觀察會同劉協統札委杜祖培司馬再往詳細重估以昭核實

實業

創辦實業講習所○湖北農業工業商業三學堂監督會同稟准鄂督陳小帥在大貢院創辦實業講習所一區爲普及實業科學之計當推舉農學監督梅觀察光義主持一切現已動工修造校舍聘定中外各項教員月內卽行招生開學所需常年經費聞由三學堂分撥不足者由官補助之

組織農業教員養成所○鄂督陳小帥現擬飭各州縣籌辦農學因教員需人特飭農業學堂監督梅觀察光義就省城大貢院內附設農業教員養成所招致支郡師範各路高等小學畢業生六十名講習農學期以一年卒業延日教員一名爲總教其餘各科教員均令農林專校教員兼充現預計開辦費及常年費約需銀一萬元一俟修理房屋工竣卽招生開學

路礦

粵路二期股款收數○郵部據廣東粵路公司梁總理呈稱現收第二期股銀至戊申十一月底止計公司中所收銀四百六十萬兩外埠函告已收未匯已匯未到者約銀八九十萬兩各善堂經收約銀二三十萬兩共約合申銀洋八百萬元已有七成之數據股東會議收至己酉二月三十日爲截止之期云

鐵路學堂招生展限○奏設奉省鐵路俄文學堂前出示續招新生原定二月十六日截止近因投考者絡繹不絕該學爲推廣教育起見未便阻各生向學之心又展限二十日著投攷各生務於限內備具圖結相片投交於閏二月初八日截止聽候考試各生毋得再行耽悞云

集股試辦秀山鉛礦○蜀省秀山縣距省爲遠礦產極富惟風氣未開治南銅鉛礦苗早經發現數年邑紳李君開採爲土人所阻茲有余君倡議並集股開挖試有成效再稟礦務總局立案

小石丸	五月初十日 午後七時	五月十六日 午前十一時	全	前	全	前	全	前	全	前	全	五月十八日 午前十二時
餘杭	五月十一日 午後七時	五月十七日 午前十一時	全	前	全	前	全	前	全	前	全	五月十九日 午前十二時
桂鶴	五月十二日 午後七時	五月十八日 午前十一時	全	前	全	前	全	前	全	前	全	五月二十日 午前十二時
千代鶴	五月十三日 午後七時	五月十九日 午前十一時	全	前	全	前	全	前	全	前	全	五月廿一日 午前十二時
新元	五月十四日 午後七時	五月二十日 午前十一時	全	前	全	前	全	前	全	前	全	五月廿二日 午前十二時

上簇之概說

蠶已成熟卽上簇逾三四日繭已結成卽擇好繭作種其餘繅絲

上簇中觀測表

月日	日氣	晴雨	風向	風力	最高	最低	均																								
五月十二日	順	晴	南	北	軟	一〇	一	二	八一	五	七	九	三	七	四	七八	五	八九	七	三	八一										
五月十三日	晴	東	北	軟	九	九	六	〇	七	九	五	五	八	五	二	五	五	八	五	八	〇	八	八	七	二	八	〇				
五月十四日	曇	西	北	和	九	八	五	九	七	八	五	五	四	四	六	五	〇	八	四	七	二	七	八	八	六	七	二	七	九		
五月十五日	快	南	和	九	四	六	〇	七	七	五	九	五	三	五	六	八	五	八	五	七	五	八	〇	八	八	七	二	八	〇		
五月十六日	晴	北	疾	九	八	六	一	七	九	五	五	六	五	四	五	五	八	六	七	二	七	九	八	七	七	〇	七	八	五		
五月十七日	快	東	北	和	一	〇	六	五	八	二	五	五	二	四	五	四	八	五	八	五	七	三	七	九	八	五	七	二	七	八	五
五月十八日	晴	北	和	九	九	六	〇	七	九	五	五	八	五	二	五	五	八	五	七	五	八	〇	八	八	七	二	八	〇	〇		

京師戒煙所調驗人員應守規則

直隸警務處稟定州縣警務人員處分規則

照譯比利時國舉行萬國博覽大會新訂簡明規則

蔚州擬辦城鄉巡警簡明章程

天津廣仁堂女工廠舉行第一次畢業禮式

江西鐵路公司規則

巴達維亞中華商務總會擬開中華貨品陳列會說略

山西諮議局創辦所簡章

直隸南宮縣農務分會簡章

憲政編查館擬訂諮議局章程附加案語

憲政編查館擬訂諮議局議員選舉章程

山東全省調查局辦事章程

學部酌定聘用外國教員合同式樣

熱河駐防工藝廠試辦章程

外務部訂定中日合辦鴨綠江採木公司章程

京師滿蒙文高等學堂章程

陸軍部訂定本年秋季大操教令

秋季大操閱兵處勤務條規

秋季大操閱兵處電信隊條規

秋季大操隨觀規則

郵傳部頒發報館密碼電費減半執照式樣並附章程

憲政編查館等奏定憲法大綱議院法選舉法要領

憲政編查館奏定議院未開以前應行籌備事宜

保定農務總會開第三次農產品評會白話章程

直隸豐潤縣擬辦自治研究社簡章

山西考驗處開辦章程

山西考驗處考試章程

山西諮議局創辦所章程

萬國農業會規條

民政部通咨違警律施行辦法

上海教育會章程

奏定湖北禁煙公所現辦章程

四省紳商設立津浦鐵路商股公司招股章程

直隸籌辦諮議局詳細限章程

直隸諮議局籌辦處清單

四省公舉津浦鐵路商股公司總協理員名清單

直隸諮議局籌辦處稟定各項規則

天津巡警總局重定清查戶口要規

奉天遼陽地方自治期成會試辦東路改設鄉正章程

任邱縣警學兩界公議理財所簡章

灤礦公司錄呈陳家嶺附礦原定簡章

灤礦公司錄呈陳家嶺附礦續定章程

保定工巡總局擬定管理女僕待僱所章程

吉林考驗官吏章程

學部奏定酌改管理游學生監督處章程

郵傳部奏定贖路公債章程附辦事細章

郵傳部奏定滙豐滙理兩銀行合同

民政部奏定各省巡警學堂堂章程

四川稅契章程

新嘉坡華商銀行發起辦事簡章

中英修訂藏印通商章程條款

民政部發給購煙執照章程

民政部管理售賣膏土章程

雲南地方自治總局章程

陸軍部酌擬懲治漏洩軍事機密章程

高邑縣教育分會章程

陸軍部擬訂陸軍懲治逃亡章程

又擬訂陸軍目兵逃亡懲治官長章程

又擬訂陸軍懲罰過失章程

又擬訂陸軍監獄章程

河間府滙講所簡章附名單

江蘇諮議局籌辦處簡章

吉林巡警總局改訂員額職掌薪餉章程

學部訂定各學堂畢業文憑條例

鉅鹿縣戒煙公所章程

甯夏開辦墾務章程

浙江海塘工程總局章程

浙江海塘工議事會章程

浙江海塘巡警局章程

保定工巡總局管理店戶取締規則

宣化縣第一戒煙社試辦簡則

民政部奏定調查戶口章程

憲政編查館覆核清理財政章程

戊申官報總目終




圖 二 第 陵 孔 東 山

林君仙樵玉照



癆瘵獲痊○廣西候補知縣久患咳嗽身軀羸弱為韋廉士大醫生紅色補丸所醫治
 西之候轉危為安且亦無益祇覺咳嗽日逐加重每一發時痛苦異常艱難倍至所有氣力搜括殆盡自覺身體瘦弱面容憔悴余於此時自思前程皆黑生路難望此即明證余若不急覓良方救治恐將莫及勢必成爲不起之癆疾矣偶幸
 均得轉危為安且亦無益祇覺咳嗽日逐加重每一發時痛苦異常艱難倍至所有氣力搜括殆盡自覺身體瘦弱面容憔悴余於此時自思前程皆黑生路難望此即明證余若不急覓良方救治恐將莫及勢必成爲不起之癆疾矣偶幸
 徒無用且亦無益祇覺咳嗽日逐加重每一發時痛苦異常艱難倍至所有氣力搜括殆盡自覺身體瘦弱面容憔悴余於此時自思前程皆黑生路難望此即明證余若不急覓良方救治恐將莫及勢必成爲不起之癆疾矣偶幸
 皆無用且亦無益祇覺咳嗽日逐加重每一發時痛苦異常艱難倍至所有氣力搜括殆盡自覺身體瘦弱面容憔悴余於此時自思前程皆黑生路難望此即明證余若不急覓良方救治恐將莫及勢必成爲不起之癆疾矣偶幸

廣西候補知縣久患咳嗽身軀羸弱為韋廉士大醫生紅色補丸所醫治

一日檢閱新聞紙見有所載韋廉士大醫生紅色補丸治疾之奇功因即購而試之果然效驗如神名稱其實肉極喜自述韋廉士大醫生紅色補丸之未幾咳嗽既止肌肉漸長所以接連服之頓覺身體日強一日咳嗽全歸於無何漸有鄉矣余甚感韋廉士大醫生紅色補丸之恩又極喜再述是丸與母服之頓弱之身體即轉爲康健可明證其功效實與余相同爲此則不得不再感激韋廉士大醫生紅色補丸造於我母子之功爲何如之深也甚願將此色補丸書登諸報牘以冀盡人皆知其妙是幸○韋廉士大醫生紅色補丸男女老幼均各有益業已治愈數千萬患傷風咳嗽氣喘溼疾使之肺管喉管皆能生長新氣力亦曾醫治數千萬風溼

骨痛背骨疼痛等症使之血潔有力將其血中致疾病之毒質驅除淨盡韋廉士大醫生紅色補丸久已名馳大陸
 爲醫治氣血兩虧諸虛百損少年虧傷胃不消化肝經各病頭痛頭暈左癱右換脚氣衝心
 林瘵氣瘡疥斑疹皮膚諸症之聖藥也又能醫治少壯婦女經水不調陰虧血虛各症並治男子操勞過度氣
 體虧弱諸症以及小兒瘦弱無血痿小不長即能使其身體強健而有力焉
 向上海九江路B字第八號韋廉士大醫生藥局中國總發行處購買亦可
 一元五角遠近郵費一律不取

林祥元記
 緞洋貨

本號開設(北京前門外鮮魚口)(天津估衣街中間路北)(山東濟南府院西路北)等處
 自置綢緞洋貨顧繡純蟒花素貢絨絳緞各色抖蓬哈叻厚呢以及京廣什貨織絨綫貨各色
 俱全貨高價廉劃一不二中外紳商賜顧移玉是幸
 瑞林祥元記具

啓新洋灰有限公司廣告



啓者本公司係承唐山洋灰公司創設新廠歸併舊有之老廠擴充辦理改
 名啓新洋灰有限公司稟奉北洋升督憲袁咨准農工商部註冊立案上
 年購到外洋最新式機器全副去臘業已開機所出之灰足敷主顧購用尙有製
 考驗拉力結力俱高出外洋之貨且機器加大出灰足敷主顧購用尙有製
 之紅磚花磚洋灰瓦水溝管矸子土等項無論躉零交易均可本公司總理處
 設在天津海大道英租界先農公司對面並於北京烟台上海漢口等埠均設
 分處藉廣招徠如蒙訂購交貨無不從速至價廉貨高久爲中外紳商
 所信用不待贅述所有本公司各種磚瓦等件尺寸重量式樣及大概用法另
 刊華洋廣告光顧諸君請向本公司索閱價值一切亦可接洽也
 得待風一千三百九號

啓新洋灰有限公司添招磚窰股本廣告

啓者本公司第二屆會議提及上年議決在唐山東北二十餘里之馬家溝添設機器磚窰現在即須開辦約計成
 本行本共洋三十萬元仍以五十元爲一股先儘原股東附入是日在會股東已各認定股數頗夥踴躍如再有股
 東願入此股者請自二月十六日起兩個月內先將認定之股數 函示註冊該股款於註冊後兩個月內全數交
 齊即以交款之日起息如欲詢詳細辦法請 惠臨天津海大道本公司面談可也此布

啓新洋灰有限公司分派第二期年息紅利廣告

敬啓者本公司應派上年年息紅利定於閏二月初一日起憑息單發給並分送帳略務祈在股 諸君屆期到天
 津海大道本公司總理處領取如南省股東亦可將息單交上海天津分銀號承接寄津代取不計匯費惟津滬往
 返函寄約需一月屆時望持該號收條領取息單可也

北洋灤州官礦有限公司付息廣告

啟者查本公司定章每屆二月會議三月付息現時井工正在趨辦股東會尚未成立茲先循章將各股東自交股日起截至光緒三十四年底止應得正股官利一律照付本埠以三月初一日為始外埠以三月十六日為始屆時請各股東攜帶全賬息單此係第一期取息萬勿掣裁至原交股處支取息銀或此埠股東願改赴彼埠取息者可預先半個月到原埠掛號聲明俾可函告該處屆時照付倘有未經換股票者請迅持原給執照往換如無息單即無憑付息特此奉聞

付利處

天津 北京

保定 上海

漢口 唐山

張家口

天津分銀號

三岔河口 玉皇閣

本公司總理處

北馬路

天津銀號

同啟

大清銀行廣告

大清銀行現定三月初六日在京師虎坊橋湖廣會館開股東會議屆期務祈 光臨並先於閏二月十五日 起分派老股新股官餘利請附股諸君持摺來行取息特此白

利文洋行

本行開設天津上海香港志呢華海參崴等處均設有年諸班貨物由外洋本機器廠自造磁鑽石戒指耳墜鑲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

武齋洋行

本行開設天津 於茲二十餘年 自運各種洋貨 絨紗布匹綢緞 繡化屏風鏡額 磁銅料器瑛藍 奇巧美術玩器 日用雜貨俱全 學界文房用品 旋行携帶等件 精工裝身物料 定織各色蓆氈 如蒙官商光顧 價值格外從廉 貨多不能備載 本行隨便入覽 電話一千三百七十四號 天津法租界 武齋洋行謹啟

常州儒醫

秦小和男婦大小方脉

門診大洋一元 出診兩元寓吉陞棧內

平和戒煙醫局告白

啓者本局自上年冬月開設以來到局戒煙者頗不乏人歷著奇效祇因爲日甚長自不得不酌收藥資以助經費乃近日有多人踵門問訊之後因此裏足不前者殊失本局濟世之本意茲定於二月初一日起至三月底止暫行贈醫三個月凡一切藥資脉金分文不取除在局門標貼長條俾衆週知外特再登報宣布如四方有志自強而願除痼疾者速趁此三個月內到局診視時不可失尙望踴躍爭先切勿遲疑自誤是則所深願而切盼者也此佈

東城王府井大街平和戒煙醫局總理鹿溥理等同人告白

再啟者本醫局志願宏大大欲胥此中國一洗沉疴延來四川老醫士鄧益堂先生醫學精通且於戒煙方劑尤著神效但須逢人按脉診視與尋常戒烟丸散迥不相同今老醫士欲將生平學業奇術秘方播傳於世惟必須得顯悟之士素行清潔宅心正大方能傳授茲擬暫招學生十人每月自備膳費六元在局住宿朝夕討論如不能住局早來晚去亦聽便一俟學成之後即便推廣各省設立分局以廣流傳而普拯濟如有志救時情願來局受業者速覓妥保到局報名以便老醫士面試數日分別去取所有課程及畢業日期另續定詳細章程請到局閱看可也再佈

平和戒煙醫局謹再白

順天府尹凌大人捐庫平銀二百兩

晉省隱名氏集捐公債平銀一千零八十八兩

山東撫台袁捐洋四百元

候補京堂張大人煜南捐洋二千元

山東運台崔大人鍾善捐京足銀五百兩

福建臬台鹿大人學良捐京松銀五百兩

上海道台蔡乃煌捐京足銀二百兩

陝西藩庫廳沈錫榮捐京足銀一百兩

分省知縣鄭寶麟捐京足銀四十三兩

甘肅舉人趙椿年捐洋十元

直隸道台葉增濤捐洋六十元

張仲仁捐洋二十元

丁春之捐洋十四元

鍾鄉泉捐洋十元

汪鶴齡捐洋八元

張信初捐洋八元

北京王府井大街平和戒煙醫局鳴謝清單